



M. Christophorus Schwanshover, Gymnasii Poetici Ratisbonensis Rector,
Lectori Benevolo S. D. : Scholarum Ergasteria Ludos A Romanis apellari
solita restis est Plato ... ; Ex nostro Gymnasio 7. Martii, Anno salutiferi
partus M.DC.XIX.

Ratisbonae


Schwanshofer, Christoph

Phil 2° 00268/02a (131)

https://dhb.thulb.uni-jena.de/receive/ufb_cbu_00006803

urn:nbn:de:urmel-0a1764a6-bbc8-4080-9ec9-ad8c9a3408496-00006101-18

Lizenz: <https://creativecommons.org/licenses/by-sa/4.0/>



M. CHRISTOPHORVS
SCHWANSHOVER, GYMNASII
POETICI RATISBONENSIS RECTOR,
LECTORI BENEVOLO S. D.



SCHOLARVM ERGASTERIA LVDS A

Romanis apellari solita testis est Plato, non tam, quod, quemadmodum in ludo, sic in his phrontisterijs pueri non vi, sed quasi ludentes nutrantur; quàm ut renellis eorum animis per lulum literas instillemus, elementa velint ut discere prima, crustulis cum Horatio invitemus, & quasi aliud agendo fallentes doceamus. A quo non abludit illud Lucretij.

Haud secus ac pueri absinthia tetra medentes
Cum dare conantur, prius oras pocula circum,
Contingunt mellis dulci flavoq; liquore :
Ut puerorum ætas improvida ludificetur.
Laborum tenus : interea perpotet amarum,
Absinthii laticem, deceptaq; non capiat,
Sed potius tali factio recreata valecat.

Nihil enim ad alliciendum animos discentium accommodatius, nihil ad tenendum efficacius, quàm si Gratiæ pulcherrimo connubio Musis jungantur, ut quæ docenda sunt, honestâ quadam condiantur oblectatione, jucundis acroamatibus quasi saccharo incrustentur, amulatione & præmijs edulcentur, fastidiû omne, quod tenellæ ætati facilimè obrepere solet, adhibita comitate decenti gravitate conditâ à teneris puerorum mentibus ceu molli spongia abstergamus. Facessant itaq; ex antro Trophonio prodeuntes morosi & difficiles, qui cum discipulis si interdum Præceptores citra tamen scurrilitatem jocari, & cum gravioribus serijsq; rebus factisfactum est, honestæ lusionis genere, ubi nec crumena, nec jugulum petuntur, ingenia contra puerorum feliciter explorantur, colludere conspiciant, projectum statim omnem disciplinam clamitant, ad nequitiam fenestram Adolescentibus patefactam vociferantur, & ceu Socratem innocentissimum, corruptæ Juventutis reos agunt, cicutam procul dubio, si, quàm ad dextrè judicandum mente infirmi, tam ad nocendum viribus essent armati, exhibebitur. Verùm ut hæc benignitatis, blandiq; vultus persona erga pueros, Adolescentesq; ingenios, quibus sanguineus pudor genas tingit, elucere debet : ita contra eos, qui animum decretabili vitiis corruptum conspurcatum saburra gerunt, Catonis vultus sumendus est, & quia melle duci, saccharo flecti non possunt, absinthio tetro, catapotijs, dropacismis, sinapismis alijsq; id genus causticis & cathartecis pharmacis ad gemitus usq; lamenta, & clamores purgari, vinci & domari debent, hoc præsertim tempore, quo ita prolapsa disciplina est, ut omnium opibus sit refrananda & coercenda. Quæ itaq; in Juventute nostrâ instituenda & regenda utamur humanitate, quibus tenellam præsertim ætatem inescare soleamus, & ad amorem literarum constantiamq; invitare illecebris, quo affectu, quanto studio quo successu eam instituiamus, qua alacritate, qua spe in ijs artibus, quibus ad humanitatis studia informari solet, Juventus progrediatur, præter ea, quæ toto anno nostram ingrediennibus scholam offeruntur specimina quotidiana, ex ijs, quæ verno & autumnali tempore instituuntur publicè examina, cujus animus invidia non livefcit, nec inciticiâ laborat, ei scire promptissimum.

Cum igitur vernalis nostræ censuræ cum DEO promovere hujus scholæ cras sumus facturi initium, eamq; per hujus septimanæ cursum producturi, omnes in hac Republica literatos, bonos & intelligentes, nostriq; amantes ordinis & a quos nostrorum Censores laborum rogamus, ut Eidem, quoties per occupationes licebit (licebit autem plerisq; quoties volent) haud inviti adesse, & quem unâ cum disputatione de EVANGELIO sub Examinis colophonè quatuor instruent Adolescentes actum oratorium de materia utili & pulchrâ sitne Vinum, Rex, Mulier, an Veritas omnium fortissimum, benignè audire, adeoq; sua præsentia, applausu, studijs & favore in hoc literarum stadio decurrentes ceu calcari subdico impellere haud graventur, idq; tantò magis, quod, teste Cic. nemo ferè est, nisi invidus & malevolus, qui conatus Adolescentum ad decus & laudem aspirantium non pro sua parte adjuvet aut promoveat. Bene vale Lector benevole.

Ex nostro Gymnasio 7. Martij, Anno salutiferi partus M. DC. XIX.

) RATISBONÆ, TYPIS-MATTHIÆ MYLII. ()